

415 ich hōrt ie sagen, swâ ez sô gezôch,
 daz man gein wîbes scherme vlôch,
 dâ solde ellenthaftez jagen
 an sîme strîte gar verzagen,
 5 ob dâ wære manlîchiu zuht.
 hêr Vergulaht, iwers gastes vluht,
 die er gein mir tet vûr den tût,
 lêret iweru prîs noch lasters nôt.«
 Kingrimursel dô sprach:
 10 »hêrre, ûf iweru trôst geschach,
 daz ich hêrn Gawane
 ûf dem Plimizæls plâne
 gap vride her in iwer lant.
 iwer sicherheit was pfant,
 15 ob in sîn ellen trûege her,
 daz ich des vûr iuch wûrde wer,
 in bestüende hie niht wan einec man.
 hêrre, dâ bin ich bekrenket an.
 hie sehen mîne genôze zuo.
 20 diz laster ist uns gar ze vruo.
 kûnnet ir niht vûrsten schônen,
 wir krenken ouch die krônen.
 sol man iuch bî zûhten sehen,
 sô muoz des iwer zuht verjehen,
 25 daz sippe reichet ab iu an mich.
 wære daz ein kebeslîcher slich
 mînhalp, swâ uns diu wirt gezilt,
 ir hetet iuch gâhes an mir bevilt.
 Wande ich bin ein ritter doch,
 30 an dem nie valsche wart vunden noch.

swâz (swenne ez V) sich sô g., *T (I)

daz ich dem (den I [L]) hêrn Gawan *G (ohne OZ)
 ûf des Plimizæls pl. *T (nur T)
 vr. (her L) in *G (ohne OZ)

in b. hie nieman (nih I [O L]) wan (denne V) ein man. *T (I O L)
 ich gekrenkt (bekrenken Z) an. *G (ohne OL) (U)

daz l. *T (O L)

sô m. iuwer z. des jehen, *T

uns om. *T (nur T)
 gâhens (gahen I gahes L) gein mir *G *T

*D: D *m: m *G: G I O L Z *T: T U V

1 Initiale O L Z 9 Initiale m I T U V 21 Initiale G 29 Initiale D

11 ich] ich dem *m 14 was] gap *m 16 des] es *m 17 in] ich D · hie] om. *m 28 an] gegen *m